



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbd@jtbd.ba

Broj: T18 0 KT 0015927 22
Brčko, 26.04.2022. godine

Na osnovu člana 35. stav (2) tačka z) i člana 226. stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

JASMINA KANTIĆA rođen ... 1991. godine u Brčkom ...

Što je:

1. U vremenskom periodu od 26.01.2022. godine do 30.01.2022. godine u Brčko distriktu BiH, s ciljem pribavljanja protivpravne imovinske koristi, svjestan i u namjeri da oduzme tuđe stvari, došao do vikendice vlasništvo N. Č. koja se nalazi u Gornjem Rahiću u njivi zvana „Karića njiva“ i izvršio provaljivanje na način što je kamenom razbio staklo na prozoru dimenzija 125x87 cm, koji se nalazi sa zadnje strane vikendice, te je kroz tako načinjen nepravilan otvor jajastog oblika dimenzija 16x13 cm, otvorio prozor, ušao u unutrašnjost, gdje je pronašao i oduzeo jedan akumulator marke „Topla“ 100 Ah, nakon čega se udaljio sa lica mjesta, čime je za sebe pribavio protivpravnu imovinsku korist u vrijednosti oduzetog akumulatora,

dakle, provaljivanjem došao do stvari male vrijednosti iz zatvorenih prostorija i oduzeo ih drugome, s ciljem da njihovim prisvajanjem pribavi sebi protivpravnu imovinsku korist,

2. U vremenskom periodu od 12.02.2022. godine od 21,00 časova do 13.02.2022. godine u 11,00 časova u mjestu Gornji Rahić, Brčko distrikt BiH, s ciljem pribavljanja protivpravne imovinske koristi, svjestan i u namjeri da oduzme tuđe stvari, izvršio ulazak u neobezbjedene podrumске prostorije, vlasništvo S. H, gdje je oduzeo dvije velike sjekire i jednu malu, tri komada lanaca težine oko 35 kilograma, dva čekića i čekić za otkivanje ručne kose za košenje trave, jednu motiku, jedan kosijer, dvoja kliješta bigerska, dvije turpije, dva noža, jedan sa crnom ručkom i jedan sa mahagoni ručkom, koji su se nalazili u crnoj kožnoj torbi kao i turpija, nakon čega se udaljio sa lica mjesta, čime je za sebe pribavio protivpravnu imovinsku korist u vrijednosti od oko 400,00 KM, za koji iznos je oštetiо S. H,

dakle, tuđu pokretninu oduzeo drugome s ciljem da njenim prisvajanjem pribavi sebi protivpravnu imovinsku korist,

3. U vremenskom periodu od 15.02.2022. godine do 20.02.2022. godine u mjestu Maoča, naselje Potoci bb, Brčko distrikt BiH, s ciljem pribavljanja protivpravne imovinske koristi, svjestan i u namjeri da oduzme tuđe stvari, došao do vikendice vlasništvo S. K. te upotrebom fizičke snage i podesnim predmetom-ogrevnim drvetom razbio duplo staklo na vratima terase, i kroz tako načinjen otvor provukao ruku i otvorio vrata, zatim ušao u unutrašnjost gdje je pronašao i oduzeo 10 staklenih piva „Tuzlanski pilsner“, neutvrđen broj limenki piva „Hajneken“, neutvrđen broj staklenih boca u kojima se nalazila rakija, nakon čega se udaljio u nepoznatom pravcu, čime je za sebe pribavio protivpravnu imovinsku korist u iznosu od oko 300,00 KM, za koji iznos je oštetiо vlasnika,

dakle, provaljivanjem došao do stvari male vrijednosti iz zatvorenih prostorija i oduzeo ih drugome, s ciljem da njihovim prisvajanjem pribavi sebi protivpravnu imovinsku korist,

4. Dana 10/11.03.2022. godine u mjestu Maoča, Brčko distrikt BiH, s ciljem pribavljanja protivpravne imovinske koristi svjestan i u namjeri da oduzme tuđe stvari, došao do vikendice vlasništvo M. B., te upotrebom fizičke snage i podesnog predmeta razbio prozor na vikendici dimenzija 125 x 125 cm, ušao u unutrašnjost vikendice, te oduzeo oko deset flaša od po 1 l crnog vina marke „Graševina“ i „Ždrepčeva krv“, dvije litre domaće rakije, 1,5 litre domaćeg crnog vina, sjekiru, kolica, radio i razne vrste kablova i alata, nakon čega se udaljio sa lica mjesta, čime je vlasniku pričinio štetu u vrijednosti od oko 60,00 KM, a za koji iznos je sebi pribavio protivpravnu imovinsku korist,

dakle, provaljivanjem došao do stvari male vrijednosti iz zatvorenih prostorija i oduzeo ih drugome, s ciljem da njihovim prisvajanjem pribavi sebi protivpravnu imovinsku korist,

5. Dana 18/19.03.2022. godine u Maoči, Brčko distrikt BiH, s ciljem pribavljanja protivpravne imovinske koristi, svjestan i u namjeri da oduzme tuđe stvari, došao do vikendice vlasništvo Z. K, ušao u unutrašnjost objekta, odakle je oduzeo uređaj radio-kasetofon, TV prijemnik, marke „Uher“, model PTV-3, crne boje, vrijednosti od oko 200,00 KM, nakon čega je došao do druge vikendice vlasništvo Š. F., upotrebom podesnog predmeta-kamena razbio prozor dimenzija 101,5 x 110 cm, te kroz načinjen otvor otvorio krilo prozora, ušao u unutrašnjost objekta, te oduzeo radio uređaj, nepoznate marke, neznatne materijalne vrijednosti, na isti način se udaljio iz objekta i dalje preko njiva prema mjestu stanovanja u naselju Prutače, kojom prilikom je radio uređaj nepoznate mrke odbacio na nepoznatom mjestu, dok je radio-kasetofon-TV uređaj, marke „Uher“, modelo PTV-3 prodao izvjesnom E. K. za iznos od 8,00 KM i 0,5 litara rakije, čime je vlasniku Z. K. pričinio štetu u iznosu od oko 200,00 KM u vrijednosti oduzete stvari,

dakle, provaljivanjem došao do stvari male vrijednosti iz zatvorenih prostorija i oduzeo ih drugome, s ciljem da njihovim prisvajanjem pribavi sebi protivpravnu imovinsku korist,

6. Dana 19/20.03.2022. godine u Maoči, Brčko distrikt BiH, s ciljem pribavljanja protivpravne imovinske koristi svjestan i u namjeri da oduzme tuđe stvari, došao do pomoćnog objekta-ljetne kuhinje, vlasništvo I. A, te upotrebom podesnog predmeta razbio staklo na prozoru dimenzija 80 x 80 cm, kroz načinjen otvor otvorio krilo prozora, ušao u unutrašnjost objekta, te oduzeo tri flaše vina u pakovanju po 1 liter, proizvođača „Rubin“, 1 liter domaće rakije pakovane u plastičnim flašama, dva puta od po 0,5 litara i namirnice iz zamrzivača (meso, mljeveno meso i povrće), vrijednosti oko 150,00 KM, nakon čega se udaljio sa lica mjesta, čime je za sebe pribavio protivpravnu imovinsku korist u vrijednosti oduzetih stvari, a za isti iznos oštetio vlasnika,

dakle, provaljivanjem došao do stvari male vrijednosti iz zatvorenih prostorija i oduzeo ih drugome, s ciljem da njihovim prisvajanjem pribavi sebi protivpravnu imovinsku korist,

7. Dana 24/25.03.2022. godine oko 01,00 časova, u mjestu Gornji Rahić, Brčko distrikt BiH, s ciljem pribavljanja protivpravne imovinske koristi svjestan i u namjeri da oduzme tuđe stvari, došao do SP „Stara česma“ vlasništvo D. O. te upotrebom podesnog predmeta prekinuo katanac i provalio u rashladnu vitrinu, koja se nalazi ispred prodavnice, i oduzeo dva kartona piva „Tuzlansko“, u staklenim flašama 0,33 litra, jedan karton piva „Tuzlansko“ limenke 0,5 litara, oko 10 sokova „Kapi“, „Tybe“ i „Red Rain“, nekoliko sokova „Koka-Kola“, piva „Radler“ i energetskog napitka „Helo“, kantu za smeće na točkovima koja se nalazila u blizini u koju je ubacio navedene napitke, nakon čega se udaljio sa lica mjesta, čime je za sebe pribavio protivpravnu imovinsku korist u iznosu od oko 100,00 KM, a vlasnicu D. O. oštetio za navedeni iznos,

dakle, obijanjem došao do stvari male vrijednosti iz zatvorenih prostorija i oduzeo ih drugome, s ciljem da njihovim prisvajanjem pribavi sebi protivpravnu imovinsku korist,

8. Dana 24/25.03.2022. godine u naselju Prutače bb, Brčko distrikt BiH, s ciljem pribavljanja protivpravne imovinske koristi, svjestan i u namjeri da oduzme tuđe stvari, došao do pomoćnog objekta – šupe, vlasništvo H. Š, te upotrebom fizičke snage i podesnog predmeta pokidao katanac na vratima, ušao u unutrašnjost objekta odakle je oduzeo bušilicu, nepoznate marke, zelene boje i brusilicu nepoznate marke plave boje, vrijednosti od oko 150,00 KM, nakon čega se udaljio sa lica mjesta, čime je za sebe pribavio protivpravnu imovinsku korist u iznosu od oko 150,00 KM, a vlasnika oštetio za navedeni iznos,

dakle, provaljivanjem došao do stvari male vrijednosti iz zatvorenih prostorija i oduzeo ih drugome, s ciljem da njihovim prisvajanjem pribavi sebi protivpravnu imovinsku korist,

9. Dana 30.03.2022. godine u mjestu Gornji Rahić bb, Brčko distrikt BiH, s ciljem pribavljanja protivpravne imovinske koristi, svjestan i u namjeri da oduzme tuđe stvari, došao do kuće vlasništvo pokojnog A. M. te upotrebom podesnog predmeta razbio prozor na stubištu, ušao u spavaću sobu, u kojoj je otvorio bife od regala i noćni ormarić, ali nije ništa oduzeo, jer je zatečen od strane policijskih službenika Policije Brčko distrikta BiH,

dakle, provaljivanjem došao do stvari male vrijednosti iz zatvorenih prostorija i pokušao ih oduzeti drugome, s ciljem da njihovim prisvajanjem pribavi sebi protivpravnu imovinsku korist,

10. Dana 01.04.2022. godine u mjestu Prutače bb, Brčko distrikt BiH, s ciljem pribavljanja protivpravne imovinske koristi svjestan i u namjeri da oduzme tuđe stvari, došao do kuće vlasništvo A. J., te upotrebom podesnog predmeta nasilno otvorio ulazna vrata pomoćnog objekta - šupe ušao u unutrašnjost objekta u kome se nalazila motorna pila marke „Stihl“, koju je skinuo sa police, gdje ga je zatekao vlasnik A. J., koji je Jasmina zadržao do dolaska policijskih službenika Policije Brčko distrikta BiH,

dakle, provaljivanjem došao do stvari male vrijednosti iz zatvorenih prostorija i pokušao ih oduzeti drugome, s ciljem da njihovim prisvajanjem pribavi sebi protivpravnu imovinsku korist,

čime je učinio produženo krivično djelo –Teška krađa– iz člana 281. stav (3) u vezi sa stavom (1) Krivičnog zakona Brčko distrikta BiH, a sve u vezi sa članom 55. istog Zakona.

Preduzimanje radnji krivičnog gonjenja prema određenom licu ne znači da je to lice zaista i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
